



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 55. Frag.

urn:nbn:de:hbz:466:1-32773

Nemmet vnd esset/das ist das Zeichen meines Leibs? Vnd möchte einen wunder nennen/welche Schrift doch Caluino hab befohlen/dise helle Wort Christi (das ist mein Leib) zu verdunkeln/als hätte Christus gesagt/das ist die Figur oder Zeichen meines Leibs? Matt. am 26. Cap.

Die 55. Frag.

Vgleich wie das Euangelium vnd die zeit der Gnaden/das Gefäß weyt vbertreffen/ also haben auch die Sacrament des neuen Testaments gegen dem alten ein weyten Fürzug/ Soll nun aber der Fronleichnam vnseres Herren mit wesentlich vnd warhafftiglich im Sacrament des Altars seyn/so laßt es sich öffentlich ansehen/es seyen der Juden Sacrament fürtrefflicher gewesen/ als der Christen/ Dañ so wir die Sach fleißig erforschen vnd erwegen/was für ein herrliche Englische Speiß das Himmelbrode sey gewesen/mit was grosser würde/hoher Ehr vñ Betrachtung das Osters lamb bereyt vnd gessen worden/wie wohnesam der Fels in der Wüsten/dem Volck Israhel zu trost/das Wasser herfür gequellet vnd gegossen habe/so befinde es sich/das dise ding so der Juden Sacrament waren vil deutlicher vnd lebhafter das heiligste Fleisch vnd Blut Jesu Christi haben fürgebildet vnd angedeutet/waren auch nicht allein vil herrlicher vnd eines grösseren werths/sonder auch weyt besser/als ein bitten becken Brods/vnd ein wenig Weins/das nach euwer Lehr der Christen Sacrament seyn soll/Wäre derhalben auch weger ein Jud zu seyn/ als ein Zwinglischer oder Caluinscher Sacramentierer.

Die 56. Frag.

Sei der Fronleichnam Christi nicht warhafftiglich im Sacrament/warumb soll dañ euwer Geist so mächtig sein/das Meer weyt abgesonderte/vngleiche ding/ als nemblich den Leib Christi vnseres Herren/so zur gerechten Gottes Vatters im Himmel sitzt/vnd euch die hie auff Erden kriechet/warhafftiglich zusammen fügen/vnd eins machen köndte/nach euwerm vnd Caluini euwers Propheten traum.

Die